

- način izvještavanja o ozbiljnim štetnim događajima i ozbiljnim štetnim reakcijama, te o načinu vođenja evidencije i rokovima izvještavanja Ministarstva, odnosno Centra o ozbiljnim štetnim događajima i ozbiljnim štetnim reakcijama (član 49. alineja 4.),
- način vođenja medicinske dokumentacije i evidencija obavljenih uzimanja i presađivanja organa i tkiva (član 49. alineja 5.),
- način ostvarivanja saradnje sa srodnim stranim, međunarodnim i međuentitetskim organizacijama s ciljem razmjene organa i tkiva radi presađivanja (član 49. alineja 6.),
- način i postupak rada koordinatora za uzimanje i presađivanje organa i tkiva (član 50. stav 6.),
- djelokrug, način rada i sastav komisije za transplantacijsku medicinu (član 51. stav 2.),
- rad i nadzor nad zdravstvenim ustanovama ili dijelovima zdravstvenih ustanova sa bankama tkiva (član 55. stav 5.).

Svi propisi iz stava 1. ovog člana sadržavat će odredbe koje garantiraju jednake mogućnosti, zabranjuju diskriminaciju na osnovu spola i osiguravaju da statistički podaci i informacije koje se prikupljaju, evidentiraju i obrađuju budu razvrstani po spolu.

Statistički podaci i informacije iz stava 2. ovog člana mogu biti dostupni javnosti samo kao zbirni podaci, dok se za osobne podatke o primaocu i darovaocu, kao i o njihovom zdravstvenom stanju garantira anonimnost i poverljivost.

Do donošenja propisa iz stava 1. ovog člana, osim odredbi koje su suprotne ovom Zakonu, primjenjivat će se provedbeni propisi iz oblasti uzimanja i presađivanja organa i tkiva u cilju liječenja koji su se primjenjivali na teritoriji Federacije do dana stupanja na snagu ovog Zakona.

Član 59.

Odredba člana 30. stav 5. ovog Zakona primjenjivat će se do uspostave registra osoba koje su saglasne sa darovanjem organa i tkiva poslije smrti, odnosno u roku do pet godina od dana stupanja na snagu ovog Zakona.

Po isteku roka iz stava 1. ovog člana, na prijedlog komisije za transplantacijsku medicinu, ministar će sagledati potrebu produženja utvrđenog roka o čemu odluku donosi Parlament Federacije Bosne i Hercegovine.

Član 60.

Zdravstvene ustanove kojima je odobreno vršenje djelatnosti uzimanja i presađivanja organa i tkiva, tipizacije tkiva i utvrđivanje podudarnosti tkiva, čuvanja i razmjene organa i tkiva na osnovu propisa koji su bili u primjeni prije stupanja na snagu ovog Zakona, dužne su uskladiti svoju organizaciju i poslovanje, te pribaviti odobrenje za vršenje navedene djelatnosti u skladu sa načinom i postupkom utvrđenim ovim Zakonom i podzakonskim aktima donesenim na osnovu ovog Zakona u roku od 16 mjeseci od dana stupanja na snagu ovog Zakona.

Član 61.

Danom stupanja na snagu ovog Zakona stavlja se van snage Zakon o uslovima za uzimanje i presađivanje dijelova ljudskog tijela ("Službeni list RBiH", br. 2/92 i 13/94) i Zakon o uzimanju i presađivanju dijelova ljudskog tijela u svrhu liječenja ("Službeni list SRBiH", br. 36/84 i 26/89), izuzev odredbi propisa koje nisu suprotne ovom Zakonu i to:

1. Pravilnik o medicinskim kriterijima, načinu, postupku i vremenu utvrđivanja moždane smrti lica čiji se dijelovi tijela mogu uzimati radi presađivanja u svrhu liječenja ("Službene novine Federacije BiH", broj 61/04);
2. Uredbe o utvrđivanju tijela, lica i zdravstvenih ustanova za sprovedbu transplantacionih postupaka u Federaciji Bosne i Hercegovine ("Službene novine Federacije BiH", broj 36/05).

Član 62.

Ovaj Zakon stupa na snagu osmog dana od dana objavljivanja u "Službenim novinama Federacije BiH".

Predsjedavajući
Doma naroda
Parlamenta Federacije BiH
Stjepan Krešić, s. r.

Predsjedavajući
Predstavničkog doma
Parlamenta Federacije BiH
Safet Softić, s. r.

VLADA FEDERACIJE BOSNE I HERCEGOVINE

1421

Na osnovu člana 81. stav 2. Zakona o prostornom planiranju i korištenju zemljišta na nivou Federacije Bosne i Hercegovine ("Službene novine Federacije BiH", broj 2/06, 72/07 i 32/08), na prijedlog Federalnog ministarstva prostornog uređenja, Vlada Federacije Bosne i Hercegovine, na sjednici održanoj 12. novembra 2009. godine, donosi

UREDBU

O IZMJENAMA I DOPUNAMA UREDBE O UREĐENJU GRADILIŠTA, OBAVEZNOJ DOKUMENTACIJI NA GRADILIŠTU I UČESNICIMA U GRAĐENJU

Član 1.

U Uredbi o uređenju gradilišta, obaveznoj dokumentaciji na gradilištu i učesnicima u građenju ("Službene novine Federacije BiH", broj 48/09) u članu 26. iza stava 1. dodaju se novi stavovi 2. i 3. koji glase:

"Izuzeće od stava 1. ovog člana, projektant su i federalne i kantonalne upravne organizacije i javne ustanove koje u svojoj nadležnosti imaju zaštitu kulturno-historijskog naslijeđa, a koji nije u obavezi pribaviti ovlaštenje Federalnog ministarstva."

"Kako bi projektant iz stava 2. ovog člana mogao obavljati djelatnost projektovanja, dužan je Federalnom ministarstvu dostaviti odgovarajuće dokumente kojima dokazuje da ispunjava uslove za obavljanje poslova zaštite, konzervacije, prezentacije i rehabilitacije nacionalnih spomenika iz člana 27. stav 5. i člana 28. ove Uredbe, o čemu Federalno ministarstvo izdaje odgovarajući akt."

Dosadašnji stav 2. postaje stav 4.

Član 2.

Ova Uredba stupa na snagu narednog dana od dana objave u "Službenim novinama Federacije BiH."

V broj 850/09

12. novembra/studenoga 2009. godine
Sarajevo

Premijer
Mustafa Mujezinović, s. r.

1422

Na temelju članka 55. stavak 4. Zakona o državnoj službi u Federaciji Bosne i Hercegovine ("Službene novine Federacije BiH", broj 29/03, 23/04, 39/04, 54/04, 67/05 i 8/06), na prijedlog Federalnog ministarstva pravde, Vlada Federacije Bosne i Hercegovine, na 123. sjednici održanoj 12. studenoga 2009. godine, donosi

UREDBU

O IZMJENAMA I DOPUNAMA UREDBE O PRAVILIMA DISCIPLINSKOG POSTUPKA ZA DISCIPLINSKU ODGOVORNOST DRŽAVNIH SLUŽBENIKA U ORGANIMA DRŽAVNE SLUŽBE U FEDERACIJI BOSNE I HERCEGOVINE

Članak 1.

U Uredbi o pravilima disciplinskog postupka za disciplinsku odgovornost državnih službenika u organima državne službe u